



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-118-4/25**
Datum: **10.07.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «Vodovod i kanalizacija» d.o.o. Gračanica za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja grada Gračanica, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu JP «Vodovod i kanalizacija» d.o.o. Gračanica za privremeno ispuštanje komunalnih otpadnih voda iz urbanog područja grada Gračanica, putem javnog kanalizacionog sistema, u rijeku Spreču, Sokolušu i Drijenču.

Ova dozvola se odnosi na sljedeće identificirane privremene ispuste u nadležnosti podnosioca zahtjeva:

Broj ispusta	x	y	z	Recipijent
1	6524935,78	4951782,37	193,37	Sokoluša
2	6523187,72	4949607,48	156,51	Sokoluša
3	6524110,46	4950626,98	180,10	Drijenča
4	6523693,56	4948523,08	156,43	Spreča
5	6524541,21	4948265,21	157,12	Spreča
6	6523063,79	4948922,05	153,26	Spreča
7	6522530,18	4949411,35	153,12	Spreča

i kišne prelive:

Kišni preliv	x	y	z	Recipijent
1	6424905,99	4952312,80	204,40	Sokoluša
2	6524928,18	4952016,57	198,37	Sokoluša
3	6524822,57	4951657,54	192,06	Sokoluša
4	6524995,95	4951390,14	189,42	Sokoluša
5	6524868,01	4951008,23	182,85	Sokoluša
6	6524857,96	4950978,80	182,89	Sokoluša
7	6524646,21	4950570,39	176,87	Sokoluša
8	6524472,60	4950368,67	172,92	Sokoluša
9	6524294,62	4950243,41	170,25	Sokoluša
10	6524176,48	4949851,53	167,38	Sokoluša

2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
- 2.1. Da se objekti koji čine javni kanalizacioni sistem grada Gračanica održavaju u ispravnom i funkcionalnom stanju u skladu sa njihovom namjenom i ovim Rješenjem.
- 2.2. Da se, za vrijeme trajanja ove dozvole, završe sve aktivnosti potrebne za konačno donošenje i usvajanje Odluke o odvodnji otpadnih voda a sve u skladu sa članom 54. Zakona o vodama i važećim podzakonskim aktima.

- 2.3. Da se permanentno radi na razdvajanju postojećeg mješovitog sistema odvodnje otpadnih voda u skladu sa urađenom projektnom dokumentacijom, te da se prilikom izgradnje nove kanalizacione mreže projektuje i izvodi isključivo separativni sistem odvodnje.
- 2.4. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
- 2.5. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
- 2.6. Da se obezbijedi nesmetan pristup i redovno vrši održavanje obala i korita vodotoka Sokoluše, Drijenče i Spreče na mjestima ispusta iz glavnih gradskih kolektora i kišnih preliva.
- 2.7. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 2.8. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
- 2.9. Da se, za vrijeme trajanja ove dozvole, vrši monitoring otpadnih voda na ispuštima glavnih gradskih kolektora u rijeku Spreču (uzvodno i nizvodno od ušća rijeke Sokoluše u rijeku Spreču). Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u prirodne recipijente: rijeka Spreča, Sokoluša i Drijenča ne smije ugrožavati postojeći hemijski i ekološki status recipijenta.
5. Lokacija planiranog postrojenja za prečišćavanje urbanih otpadnih voda mora se rezervisati kroz prostorno – plansku dokumentaciju grada Gračanica i spriječiti promjenu namjene ovog prostora.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
7. U periodu važenja ove dozvole, Korisnik je dužan provoditi sve mjere i aktivnosti propisane istom.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.

11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica JP «Vodovod i kanalizacija» d.o.o. Gračanica, dana 13.03.2025. godine, podnesen je ovoj Agenciji zahtjev za izdavanje vodne dozvole za privremeno ispuštanje komunalnih otpadnih voda iz urbanog područja grada Gračanica, putem javnog kanalizacionog sistema, u rijeku Spreču, Sokolušu i Drijenču. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Rješenja o izmjenama podataka o u registar poslovnih subjekata: 032-0-Reg-23-001183 izdatog dana 21.08.2021. godine od strane Općinskog suda u Tuzli,
- Ovjerena kopija Uvjerjenja o poreznoj registraciji izdatog dana 26.04.2016. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Uvjerjenja o registraciji obveznika indirektnih poreza broj: 04/1-UPJR/1-3069-2/16 izdatog dana 11.05.2016. godine od strane Uprave za indirektno-neizravno oporezivanje,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-11535/16 izdatog dana 25.04.2016. godine od strane Službe za statistiku za područje Tuzlanskog kantona,
- Punomoć zastupnika podnosioca zahtjeva broj: 03-144/25 od 10.03.2025. godine,
- Kopija Rješenja o vodnoj dozvoli broj: UP-I/25-3-40-358-7/14 izdatog dana 12.12.2014. godine i broj: UP-I/25-3-40-637-4/19 izdatog dana 06.03.2020. godine od strane «Agencije za vodno područje rijeke Save» Sarajevo,
- Glavni projekat prikupljanja i odvođenja otpadnih voda gradskog područja Gračanice, urađen od strane «IPSA institut» Sarajevo, septembar 2014. godine (na uvid),
- Izvještaji o monitoringu kvaliteta i kvantiteta otpadnih voda urađeni od strane «TQM» d.o.o. Lukavac (broj: 7-189-2622/24, 17.04.2024. godine; broj: 7-189-2623/24, 17.04.2024. godine; 7-755-7490/24, 28.10.2024. godine),
- Kopija Odluke o vršenju komunalnih djelatnosti i komunalnom redu broj: 01-23-5238/07 donesene od strane Općinskog vijeća Gračanica na sjednici održanoj 31.05.2007. godine,
- Kopija Pravilnika o održavanju, korištenju i osmatranju objekata vodovodnog sistema JP «Vodovod i kanalizacija» d.o.o. Gračanica, oktobar 2019.godine,
- Kopija Odluke o komunalnom redu («Službeni glasnik Grada Gračanica», broj: 01/20),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih privremenih ispusta komunalnih otpadnih voda u rijeku Spreču, Sokolušu i Drijenču u gradu Gračanica i tom prilikom je sačinjen Zapisnik o uviđaju broj: UP-1/21-3-40-118-3/25 od 03.07.2025. godine. Na osnovu dostavljene dokumentacije i izvršenog uviđaja na licu mjesta utvrđeno je sljedeće: Za prikupljanje fekalnih, upotrijebljenih i oborinskih voda na urbanom području grada Gračanica izgrađen je dominantno mješoviti sistem kanalizacije sa sedam ispusta u recipijente: rijeka Sokoluša, Spreča i Drijenča i deset kišnih preliva u rijeku Sokolušu. Ispuštanje otpadnih voda u navedene vodotoke vrši se direktno bez prethodnog tretmana.

Od strane podnosioca zahtjeva su registrirani privremeni ispusti i kišni prelivi, za koje je prilikom analize stanja odvodnje otpadnih voda sa urbanog područja općine Gračanica, ocijenjeno da su značajni a navedeni su u tački br. 1. ovog Rešenja.

U skladu sa Glavnim projektom prikupljanja i odvođenja otpadnih voda gradskog područja Gračanice («IPSA institut» Sarajevo, septembar 2014. godine) permanentno se radi na rekonstrukciji postojećeg sistema kanalizacije i izgradnji nove kanalizacione mreže. Ukupna dužina postojeće kanalizacione mreže različitog profila cjevovoda iznosi 65,5 km. Na kanalizacioni sistem grada Gračanica kojim upravlja JP «Vodovod i kanalizacija» d.o.o. Gračanica, priključeno je oko 6.700 korisnika, te jedan dio privrednih subjekata. Lokacija budućeg postrojenja za tretman urbanih otpadnih voda je neposredno prije ušća rijeke Sokoluše u rijeku Spreču.

U skladu sa tačkom 2.7. Rješenja o vodnoj dozvoli donesenog 2014. godine, monitoring kvaliteta vode rijeke Spreče vrši se uzvodno i nizvodno od ušća rijeke Sokoluše u rijeku Spreču. Monitoring se vrši redovno od strane «TQM» d.o.o. Lukavac (dostavljeni izvještaji iz aprila i oktobra 2024. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u rijeku Spreču, Sokolušu i Drijenču a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva JP «Vodovod i kanalizacija» d.o.o. Gračanica, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja grada Gračanica, putem javnog kanalizacionog sistema, u rijeku Spreču, Sokolušu i Drijenču, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 6. dispozitiva ovog Rješenja.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

– JP «Vodovod i kanalizacija» d.o.o. Gračanica

ul Skver bb, 75320 Gračanica

☞ AVP Sava, ISV – Vodna knjiga

– Sektor 50

– Sektor 40 - arhiva

– Oglasna ploča - AVP Sava